



Ponteareas, nas mellores mans



En 2015 Ponteareas iniciou un cambio político que mudou o xeito de gobernar. Oito anos despois, temos un concello saneado economicamente, co Plan Urbanístico aprobado, coa ampliación da depuradora en marcha, coa iluminación renovada e con grandes obras e equipamentos antes impensábeis. Hoxe podemos dicir con satisfacción que no noso concello temos máis calidade de vida, gozamos dun ambiente máis saudábel, estamos na vangarda fronte o cambio climático e somos un concello máis xusto e igualitario, que ofrece máis oportunidades de riqueza e emprego.

A pesar de atravesar grandes dificultades, como unha pandemia mundial ou o falecemento do noso alcalde Xosé Represas, temos un gran

balance. Pero non nos conformamos, queremos máis, e ímolo facer: o saneamento das parroquias, o polígono industrial, a implantación de proxectos empresariais ou a creación de novos espazos públicos e equipamentos.

A transformación de Ponteareas co BNG está sendo histórica, e Ponteareas non pode parar nin volver ao pasado. É o momento de consolidar o cambio e seguir avanzando con Cristina Fernández, nas mellores mans!





**01 CRISTINA
FERNÁNDEZ
DAVILA**

Reside en Prado. É Técnica Especialista en Informática de Xestión. Dende 1993 é funcionaria do IES "Val do Tea". Foi directiva en asociacións de nais e pais de alumnos e presidenta da Federación de ANPAS de Ponteareas (FANPO). Concelleira do BNG dende 2012, no 2015 asumiu no goberno local a responsabilidade de Educación, Réxime Interior e Participación Cidadá, no 2019 foi tenente alcalde e dende 2021 alcaldesa de Ponteareas.



**02 EVA
GIL
SOLLA**

Natural de Canedo. Licenciada en Xeografía pola USC, Máster en desenvolvemento local e comarcal e Máster en políticas comunitarias, desenvolvemento e cooperación transfronteiriza. Directora Técnica de proxectos de Desenvolvemento Rural no GDR Ría de Vigo - Baixo Miño e Directora do Xeodestino turístico Ría de Vigo - Baixo Miño. Actual concelleira de Promoción Económica e Turismo dende o 2019



**03 JOSÉ CARLOS
VÁZQUEZ
MÍGUEZ**

Licenciado en Ciencias Económicas pola UVigo e Funcionario de Administración Local en diversos concellos dende o ano 2000, principalmente na área económica. Na actualidade é Técnico de Servizos Económicos no Concello de Vigo e participou en entidades culturais e deportivas da localidade e da parroquia de Arcos. Participa como independente na candidatura do BNG.



**04 VERÓNICA
CARRERA
BLANCO**

Natural de Pías. Diplomada en Educación Social. Técnica Superior en Integración Social. Participa dende hai anos nos colectivos sociais de Pías. É concelleira do BNG dende 2011 e responsable de Benestar Social e Igualdade no goberno municipal dende 2015.



**05 MIGUEL
BOUZÓ
RODRÍGUEZ**

Natural de Ponteareas. Vicerresponsábel Local do BNG en Ponteareas. Actual concelleiro de Deportes, Eventos, Mocidade e Voluntariado no goberno local e portavoz municipal do BNG dende o 2021.



**06 VERÓNICA
BARGIELA
PINO**

Natural de Guláns. Enxeñeira Técnica Agrícola, Máster en Ciencia e Tecnoloxía Agroalimentaria e Doutora pola Universidade de Vigo. Implicada na posta en valor da variedade do pemento de Guláns.



**07 FRAN
APARICIO
OLIVÁN**

Natural de Cumiar. Técnico Administrativo Contable, Diplomado en Maxisterio coa especialidade de Educación Musical e dedicado profesionalmente á xestión e organización de recursos materiais e humanos. Aumula anos de participación en colectivos culturais e deportivos da vila.



**08 BOLÍVAR
GONZÁLEZ
RODRÍGUEZ**

Natural de Cristiñade. Técnico en taxacións e valoracións. Foi director da Banda Xuvenil de Xinzo. Concelleiro do BNG dende 1995 ata 2012 e portavoz de 2007 a 2009. Ocupouse en 2003 e 2004 das concellerías de vías, obras, urbanismo e infraestruturas no goberno do BNG. Responsábel local do BNG.



**09 MARIÁN
HERMIDA
GARAZO**

Veciña de Bugarín. Licenciada en Psicoloxía, Diplomada en Criminoloxía, Diplomada en Traballo Social e Máster Universitario en Igualdade e Xénero no ámbito público e privado, especialidade en Violencia de Xénero. Na actualidade traballa como Técnica Superior de Inclusión Sociolaboral no Consorcio Galego de Servizos de Igualdade e Benestar. Participa como independente na candidatura do BNG.



**10 ANDRÉS
CARRERA
COSTAS**

Natural de Ponteareas. Licenciado en Ciencias da Actividade Física e do Deporte, presidente e director técnico do Club Natación Ponteareas. Participa como independente na candidatura do BNG.



**11 DIANA
BERNÁRDEZ
CODESEDA**

Natural de Fozara. Traballadora na hostalería local. Forma parte da directiva da Asociación Familias Azuis, asociación galega adicada á atención de persoas con autismo.



**12 MARCOS
GROBA
BARGIELA**

Natural de Santiago de Oliveira. É Enxeñeiro de Minas exercendo no sector privado como xefe de obra en grandes infraestruturas de comunicacións. Atleta e membro do club Taninos Runners. Foi directivo da Sociedade Deportiva Oliveira.



**13 SUSI
UBIERA
VARELA**

Reside en Ganade, Areas. Deseñadora gráfica, traballa como responsábel comercial nunha compañía aseguradora de Ponteareas. Colaboradora da ANPA Ramiro Sabell como deseñadora da alfombra de Corpus deste colectivo.



**14 ADRIÁN
FERNÁNDEZ
RODRÍGUEZ**

Veciño de Ponteareas. Graduado en Bioloxía e Máster en Biotecnoloxía. Traballa no sector farmacéutico. Apaixonado da cultura e da música, forma parte da asociación Rock in Río Tea.



**15 ALBA
COVELO
RIVEIRO**

Natural de Areas e residente na vila. Graduada en Traballo Social pola Uvigo, Máster de Menores en situación de conflito e desprotección social. Actualmente é traballadora social no ámbito privado, compaxinándoo cos estudos de ciencias políticas pola UNED.



**16 IVÁN
CAMESELLE
FERNÁNDEZ**

Veciño de Nogueira. Licenciado en dereito coa especialidade económico-empresarial. Diplomado en enfermaría, posgrao en enfermaría de empresa, Máster universitario en profesorado. Actualmente exerce por conta propia como avogado e xestor xurídico empresarial. Foi asesor de ONGs para o desenvolvemento e é vicesecretario da Comunidade de Montes veciñais en man común da parroquia.



**17 TANIA
BARRAL
FARO**

Veciña de Ponteareas. Técnica superior de laboratorio, traballa no servizo de Microbioloxía no Hospital do Meixoeiro. Vicepresidenta de ASFEGA (Asociación Fenicetonúrica e OTM de Galicia) e membro do Consello Escolar do CEIP Ramiro Sabell como representante das nais e pais.



**18 JESÚS
REPRESAS
REPRESAS**

Veciño de Xinzo. Administrativo, formación en música do Conservatorio Superior de Vigo, en animación sociocultural e máster en negociación colectiva. Empregado de Correos. Presidente da asociación cultural San Pedro e delegado sindical da CIG. Foi Presidente da Banda de Música Xuvenil de Xinzo, da Comunidade de Montes, Secretario da Federación Galega de Bandas de Música, Vicepresidente da Asociación Forestal de Galicia e do Centro Cultural Xinzo.



**19 NAHIR
COVELO
SAAVEDRA**

Veciña de Ponteareas. Licenciada en Veterinaria. Dirixe unha clínica veterinaria en Ponteareas. Foi concelleira de deportes dende 2019 até 2021.



**20 FERNANDO
PEREIRA
GIL**

Natural de Moreira. Carpinteiro; traballa como oficial en mantemento de edificios. Participa en colectivos culturais e do ámbito deportivo.



**21 LOLA
COVELO
LAXE**

Natural de Ribadetea. É vixiante de seguridade e experta en explosivos. Concelleira de Infraestruturas básicas dende 2021.



**22 NEMESIO
BOENTE
TIENDA**

Natural de Areas. É Diplomado en Enfermería e traballa como enfermeiro no Centro de Saúde de Ponteareas. Foi concelleiro do BNG de 2005 a 2011 e ocupou responsabilidades directivas nos movementos culturais da parroquia de Areas.



**23 RUBÉN
SEQUEIROS
FERREIRA**

Veciño de Celeiros. Técnico Superior en Desenvolvemento de Aplicacións Informáticas, cursa o Ciclo Superior de Técnico Forestal e do Medio Natural. É empregado no sector de banca a distancia e presidente da Comunidade de Montes de Celeiros e da Asociación de Veciños Piñeiro Manso.



**24 IRENE
FERNÁNDEZ
PARDO**

Veciña de Ponteareas. Técnica Superior en imaxe para o diagnóstico e medicina nuclear. Na actualidade é estudante de enfermaría na Universidade de Vigo.



25 LUIS GONZÁLEZ VÁZQUEZ

Veciño de Guillade. Con formación en Maxisterio, foi auxiliar de biblioteca e auxiliar administrativo na USC e traballou durante anos como administrativo no sector da construción. Foi presidente da Anpa do CEIP Santiago de Oliveira, vicepresidente da Anpa do IES do Barral e foi membro da FANPO e do Consello Escolar Municipal. Foi secretario da traída de augas de Guillade.



26 ROSA GROBA RODRÍGUEZ

Veciña de Ganade, na parroquia de Areas. Profesional do sector da limpeza e implicada nas asociacións de nais e pais de Ponteareas.



27 XABIER PRADO ORBÁN

Veciño de Ponteareas. Doutor en Didáctica das Ciencias Experimentais. Foi mestre de Física e Química no IES Pedra da Auga e promotor de importantes iniciativas educativas e publicacións.



28 SONIA SALPURIDO FERNÁNDEZ

Veciña de Ponteareas. Técnica superior en educación e control ambiental. Premio extraordinario de Formación Profesional de Grado Superior en Seguridade e Medio ambiente de Galicia. Alfombrista e ceteira aficionada. Actualmente traballando como auxiliar administrativa nunha empresa de transporte.



29 BENIGNO PÉREZ AMIL

Natural de San Lourenzo de Oliveira. Técnico de reparacións e maquinaria agrícola e forestal. Rexenta un negocio do sector na actualidade.



30 SARA IBÁÑEZ CARRERA

Natural de Xinzo e veciña de Arcos. Estudante e nadadora, cursando o último curso do grao en Criminoloxía na Universidade de Santiago de Compostela.



31

PANCHO ALONSO PEDREIRA

Veciño de Angoares. Licenciado en Dereito, Postgrao en Auditoría Financeira, Máster en Sistema Fiscal e Financeiro e prexubilado do sector da banca. Foi concelleiro do BNG e responsábel de Facenda e Persoal no goberno local dende 2015 a 2019, e dende 2021 novamente concelleiro de Facenda. Adestrador de Voleibol. É directivo da Comunidade de Montes de Angoares.

"Ofrecemos a Ponteareas o mellor equipo para seguir avanzando"

"Conformamos un equipo que combina experiencia política e de goberno coa incorporación na candidatura de persoas de elevada cualificación profesional e académica, con coñecemento social do lugar no que viven. Isto supón unha garantía de eficacia, competencia e capacidade de xestión no próximo goberno local.

Temos o balance dun gran traballo realizado e os proxectos para un futuro ilusionante. Ofrecemos a Ponteareas o mellor equipo para levalos a cabo: un grupo de persoas preparadas e ilusionadas coa transformación da nosa localidade e dispostas a poñer a súa experiencia ao servizo das veciñas e veciños, porque sinten e aman Ponteareas. Queremos máis!"